

բայց Հոօմայեցիք՝ որ ելին ՚ի վրէժխնդրութիւն քրիստոնէից յազգէն թուրքաց և Պարսից: Իսկ Ալէքս որդին սատանայի ծովու և ՚ի ցամաքի, մահարար դեղօք նենգեաց նոցա. յորում ընկալցի զհատուցումն ըստ դործոց իւրոց: Սա հրամայեաց կրկին մկրտութիւն տալ Հայոց, և ապա կոչել քրիստոնեայս:

Աալօժէն՝ որդի Ալէքսի՝ թագաւորեաց ամն ԺԳ: Յաւուրս սորա առնու Ղաւիթ զԱնի, և մեռանի, և թագաւորէ որդի նորա Ղեմալ, և Տաճիկն էառ զՈւրհա ՚ի Ֆռանկաց:

Մանիլ թագաւորեաց ամն ԽԶ: Այս Մանիլ առաքեաց առ Հայրապետն Ներսէս Ալայեցին ՚ի թուին Հայոց ՈԺԴ. և խնդրեաց զմիաբանութիւն երկուց ազգաց. բայց ոչ կատարեցաւ. և ոչ զիտեմք՝ թէ ՚ի խնամոցն Աստուծոյ է, կամ թէ